

# Nova banka otvorila 60. filijalu

## Posušje dobilo novu poslovnicu

Nova banka, jedna od vodećih finansijskih institucija u Bosni i Hercegovini, svečano je otvorila Filijalu Posušje. Ovo je 60. poslovnica Banke, čime se potvrđuje njen kontinuirani rast i posvećenost pružanju kvalitetnih i inovativnih bankarskih usluga.

Otvaranje filijale u Posušju, opštini poznatoj po dinamičnom razvoju i značajnom ekonomskom potencijalu, predstavlja još jedan korak u širenju poslovne mreže Nove banke. Događaju su prisustvovala brojne zvanice iz privrednog, društvenog i kulturnog života regije.

Iz Nove banke ističu da su svakim danom bliži svojim klijentima, koji im uzvraćaju povjerenjem i rastućim interesovanjem za njihove usluge. Stabilna baza izvora finansiranja, sve veći broj klijenata i široka mreža poslovnica osiguravaju temelje za dalji rast i unapređenje poslovanja, što je u svom obraćanju posebno istakao predsjednik Uprave Nove banke Siniša Adžić.

Dobrodošlicu Novoj banci u Posušje poželio je i načelnik Opštine Ante Begić, koji je zajedno s predsjednikom Uprave simbolično presjekao vrpce i poslovnicu pustio u rad. Načelnik Begić izrazio je zadovoljstvo zbog otvaranja Nove banke, naglasivši kako nova poslovnica pruža dodatnu vrijednost lokalnoj zajednici, ne samo kroz bankarske usluge, već i kroz doprinos razvoju privrede i društvenog života Posušja.

U znak podrške lokalnoj zajednici, Nova banka je ovom prilikom uručila donaciju od 2.500 KM Dječijem vrtiću „Bajka“. Direktorica vrtića Kristina Milas istakla je značaj ove podrške, koja doprinosi unapređenju rada ove obrazovno-vaspitne ustanove.

Filijala Posušje je savremeno opremljena i pruža širok spektar usluga kako fizičkim, tako i pravnim licima. Ovim korakom, Nova banka nastavlja graditi povjerenje i jačati veze s lokalnim zajednicama širom Bosne i Hercegovine.

U Banjoj Luci, 12. 12. 2024. godine

---